



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

აჭაზეთის სახელმწიფო ნაკრძალი

აჭაზეთის სახელმწიფო ნაკრძალი, მდებარეობს ბაღდათის მუნიციპალიტეტში, ქუთაისიდან 15 კმ-ზე.

დაარსდა 1935, ფართობი 4845 ჰა, შექმნილია აჭაზეთისა (3742 ჰა, მდ. რიონის მარცხ. შენაკადებს – ყვირილასა და ხანისწყალს შორის) და ვარციხის (1103 ჰა, ხანისწყლის მარცხ. მხარეს) მასივებისაგან.

2007-იდან აჭაზეთის აღკვეთილის სტატუსი მიენიჭა. ნაკრძალში შემონახულია კოლხური ტიპის იმერული მუხის რელიქტური ტყეები, ძელქვის წმინდა კორომები და ჰარტვისის მუხა. გვხვდება აგრეთვე იფანი, კავკასიური რცხილა, მინდვრის ნეკერჩხალი, პანტა, თამელი. ქვეტყეში უფრო ხშირია იელი და კუნელი, რ-ებიც ზოგან გაუვალ რაყას ქმნის.

ძუძუმწოვრებიდან ნაკრძალში გვხვდება შველი, მელა, თეთრყელა კვერნა, მაჩვი, კურდღელი, ციყვი. ფრინველებიდან საყურადღებოა ტყის ქათამი. ნაკრძალის მიზანია რელიქტური მცენარეების – იმერული მუხის, ჰარტვისის მუხის, ძელქვისა და სხვ. დაცვა.

კ. მამისაშვილი
